



BON DIA

Aruba



Frase di Dia

"No ta semper
esun mas
balente ta gana
bataya"

M.E.

Diasabra, 26 Februari, 2000

- 1 Florin-

Aña 8/No. 30355

Porfin FTA ta firma CAO cu Alhambra Casino y Divi & Dutch Village

Pagina 2

Consternacion pa hoben perdí riba laman

SAN NICOLAS—Den careda di 12'or ayera merdía alarma ta wordo batí pa un persona cu lo a hoga na San Nicolas.

Segun por a comprondé e hoben R.W. a bai sambuyá hunto cu tres otro amigo na cabez di Aruba. Dado momento e grupo a yega terra y a constató cu nan amigo R.W. ainda no a yega.

A bati alarma mientras cu nan mes a bolbe drenta awa pa busqué. Mientrastanto Polis cu verrekijker tabata busca pa mira si tin algo straño riba laman. Polisnan a bai te su cas pa check un que otro pero eynan e no ta tampoco. Hasta a bai busqué serca un frei di dje, pero nada.

Dado momento a dicidí cu Coastal ta saca su tugbootnan pa haci un búsqueda den e área, despues cu e amigonan a bolbe sin haya nada di dje. Algo pasá di 1'or di merdía un patruya ta informá su colega cu tabata na cabez di Aruba, cu el a tende cu un hoben a cabá di yega na Baby Beach. Y esaki a resultá enberdad di ta e caso.

Segun por a comprondé, na unda e hobennan aki tabata sambuyá tin diferente corriente ta topa otro. Na momento cu el a sinti cu e no por a bin aden mas, el a laga e laman lastré hiba afor. El a wordo guiá pa e corriente y asina el a logra yega terra na Baby Beach sano y salvo.

E siman aki Aduana a cuminzá cu
chequeo espontáneo

**A descubrí cu tin
varios comerciante
cu ta eludí derecho
di importacion**

Pagina 3

Reina Hubenil di Aruba su Carnaval 46: Abigail v/d Linden



Foto Famous Diaz

ORANJESTAD—Despues di mei anochi Aruba a conocé su Reina Hubenil di Carnaval 46. T'asina cu mei-mei di un entusiasmo grandi producto di un público masha alegre den Don Elias Mansur Ballpark, a keda eligí Abigail v/d Linden, representando Colegio Arubano, como Reina Hubenil di Carnaval 2000. Sigur e eleccion aki tabata uno difícil pa cuerpo di hurado, teniendo na cuenta e presentacion sublime y profesional cu cada un di e 13 hobencitanan cu a participá den e evento carnavalesco aki a duna ayera nochi. Como 1er finalista a keda eligí Melony Paesch di Kids & Teens, 2do. finalista Cindy Croes di Oranjestad, 3er finalista Shelby Maduro di Megateca Genie Fan Club y como 4to finalista Eleandra Koelman di Savaneta. Previo na eleccion aki a wordo elegí como "The Best Costume", Airisse Wolff di Ailene's Fan Club y como "The Best Show", Melony Paesch di Kids & Teens. Jo-Anne Maduro, kende ta Reina Hubenil 1999 a entregá e maximo corona Hubenil di Carnaval 46 na Abigail v/d Linden di Colegio Arubano. Pabien Abigail!

MAS MUSICA CARNAVALESICO DIA 1 DI MAART!

Your **Hepa**
San Nicolas

Your **Heineken®**

PINTA BO TRAILER Y GANA PREMIONAN ATRACTIVO!
PA MAS INFORMASHON: TEL.: (297) 823750, GUTENBERGSTRAAT # 2, O'STAD.

Local Distributor: Aruba Agencies N.V.